

समे – 12:25

<><><><><><>

PM-Rajasthan

प्रधानमंत्री नरेन्द्र मोदी होर राजस्थान दौरे लेई जयपुर पुज्जी गो न ते ओह् उत्थें 46 जहार 3 सौ करोड़ रपे शा बद्ध आली 24 विकास परियोजना दा उद्घाटन ते नीह् पत्थर रखगन। प्रधानमंत्री होर राजस्थान सरकार दे इक ब'रा पूरा होने दे मौके पर जयपुर च कार्यक्रम च हिस्सा लै करदे न। इस कार्यक्रम च राज्यपाल ते मध्यप्रदेश दे मुख्यमंत्री ते किश केन्द्रीय मंत्री बी हिस्सा लै करदे न।

<><><><><><>

RS- Constitution Debate

भारत दे संविधान दे 75 ब'रे दी गौरवशाली यात्रा पर अज्ज दुए रोज राज्यसभा च विशेष चर्चा शुरू होई। चर्चा दी शुरूआत करदे होई संसद दे नेता जे.पी.नड्डा होरें आखेआ जे भारत दुनियर दा सब्बने शा बड्डा लोकतंत्र ऐ। उनें आखेआ जे अस संविधान प्रति पूरी चाल्ली समर्पित आ।उनें अगगे आखेआ जे लोकतंत्र गी मजबूत करनेलेई पूरी चाल्ली प्रतिबद्ध न। इस मौके पर भारत दे लौह पुरुष सरदार वल्लभ भाई पटेल हुंदा बी जिक्र कीता। उनें आखेआ ले सरदार पटेल होर इस देश गी जोड़ने दा कम्म कीता ऐ। इस मौके पर नड्डा होरें दफा 370 दा बी जिक्र कीता। उनें आखेआ जे दफा 370 देस दी इकजुटता च इक रुकावट ही। उनें आखेआ जे कश्मीरी बैहनें गी अपने हक्क थमां वंचित रौहना पौंदा हा। उआं प्रधानमंत्री नरेन्द्र मोदी होरें बी संजा'लै इस विशेष चर्चा च हिस्सा लैता ते चर्चा दा परता देंगन। दऊं दिनें दी एह् विशेष चर्चा कल राज्यसभा च शुरू होई ही।

<><><><><><>

ONOE

मुख्यै च इक्कै बारी च चुनां करोआने सरबंधी "वन नेशन वन इलैक्शन" बारे दऊं बिल अज्ज लोकसभा च पेश कीते जांगन। केन्द्री कनून मंत्री अर्जुन राम मेघवाल होर 129मां संविधान संशोधन बिल ते केन्द्र शासत प्रदेश कनून संशोधन बिल गी अज्ज लोकसभा पेश कीते।

<><><><><><>

Transport Commissioner

ट्रांसपोर्ट कमीशनर विशेष महाजन होरें कल विद्यार्थिं गी ढोने आली गड्डिं दी सुरक्षा आडिट बारे स्कूली अधिकारिं दे नुमायंदे कन्नै इक बैठक लाई। इस बैठक दा मकसद स्कूलें थमां सक्रिय भागीदारी ते सैह्योग हासल करना हा तां जे एह लकीनी बनाया जाई सकै जे विद्यार्थिं गी लेई जाने लेई इस्तेमाल कीती जाने आली गड्डियां परिवहन लेई फिट ते सुरक्षत होन। स्कूली बसें लेई सुप्रीम कोर्ट दे निर्देशें दा हवाला दिंदे होई ट्रांसपोर्ट कमीशनर होरें 31 जनवरी गी स्कूली बसें च सीसीटीवी लाने दी खीरी तरीक निधारित कीती तां जे डरैवर ते ड्राइविंग दरान मदद करने आले स्टाफ दी हर गतिविधि उप्पर नेड़मी तक्क रखी आई सकै। एहदे कन्नै विद्यार्थिं दी सुरक्षा जकीनी बनी जाग।

<><><><><><>

DC Rajouri

राजौरी दे जिला विकास कमीशनर अभिषेक शर्मा होरें कल सरकारी मैडिकल कालेज राजौरी दा दौरा लाया, मरीजें ते उंदे तीमारदारें कन्नै गल्लबात कीती ते अस्पताल दे कम्मकाजें दा पूरा पराता जायजा लैता। उंदा एह दौरा चेचा करियै जिले दे बधाल इलाके च 7एं जनें दी संदिग्ध मौत ते केइएं दे बमार होई जाने आले घटनाक्रम दी पछोकड़े च हा। बधाल थमां आए दे मरीजें दी डौल पुच्छदे होई डीसी होरें उनेंगी इलाज च हर चाल्ली दे सैह्योग दा भरोसा दोआया। उनें दाखल मरीजें दी हालत च तेजिया कन्नै होआरदे सुधार पर संदोख न्रगत कीती। उनें आखेआ ते जिला प्रशासन प्रभावत लोकें गी हर चाल्ली दी मदद लेई दृढसंकल्प ऐ।

<><><><><><>

Autumn Festival Kishtwar

किश्तवाड़ जिला प्रशासन जिला सतह दे पैहले पैहले ऑटम फेस्टिवल ते कुल भारतीय कवि सम्मेलन दी मेजबानी लेई पूरी चाल्ली तैआ ऐ। जिला विकास कमीशनर राजेश कुमा शवन होरें इस बारे कल इक प्रेस कांफ्रेंस गी संबोधत करदे होई दस्सेआ जे इस आयोजन दा मकसद किश्तवाड़ दे सगोसार सांस्कृतिक विरसे ते साहित्यकलाएं गी बढ़ावा देने दे कन्नो

कन्नी सैलानिएं गी इत्थूं दी कुदरती खूबसूरती दे छलैपे दा नंद लैने लेई आकर्शित करना ऐ। उनें आखेआ जे 19 दिसम्बर गी आयोजत कीते जा'रदे इस ऑटम उत्सव दरान लोकें ते टकोहदा करियै नोजवानें गी केन्द्र आस्सेआ प्रोजाजित स्कीमें, केन्द्र शासत प्रदेश दिएं स्कीमें, मिशन यूथ दिएं पैहलकदमिएं, हुनर विकास कार्यक्रमें ते नोजवानें लेई पेशेकराना कोर्स दे बारे बी जानकारी उपलब्ध कराई जाग।

<><><><><>

JK BOSE

जम्मू कश्मीर स्कूली शिक्षा विभाग नै कल जम्मू दे गांधीनगर जागतें दी सरकारी हायर सकेँडरी स्कूल छे सैमीनार हाल च यूटी सतह दे रोलप्ले ते लोक नृत्य प्रतियोगिता दा सफलतापूर्वक आयोजल कीता। नैशनल पापुलेशन एजुकेशन प्रोजेक्ट यानि किशोर अवस्था शिक्षा कार्यक्रम तैहत आयोजित ते एनसीईआरटी आस्सेआ माली यहायता दित्ती गई। इस कार्यक्रम च जम्मू संभाग दे 10 जिलें ते कश्मीर संभाग दे 10 जिलें दिएं टीमें एहदे च हिस्सा लैता। उनें महत्वपूर्ण विशें जियां सेहत, निजी सुरक्षा, मीडिया साक्षरता, पर्यावरण संरक्षण ते लैगिंक समानता उप्पर अपनियां प्रस्तुतियां पेश कीतियां।

<><><><><><>

Cold Wave

मुख्य दे बाकी हिस्सें आले लेखा गै जम्मू कश्मीर च ठंड दा प्रकोप बरोबर जारी ऐ। कश्मीर च तापमान हर बधदे ध्याड़े कन्नै घट्टा करदा ऐ। उत्तरी भारत दे बाकह हिस्सें च बी सीत लैहर बधी गई ऐ। जम्मू कश्मीर दे अलावा हिमाचल प्रदेश, राजस्थान, पंजाब, तेलंगाना, ओडिशाते दिल्ली च बी इयै नेही सििति बनी दी ऐ। हिमाचल प्रदेश च लाहुल स्पिति दे इक दे इक जिला टोबो च जंदी रातीं दा सब्बने शा घट्ट तापमान मनफी 10.6 डिग्री सैल्सियस रिकार्ड कीता गेआ ऐ। जिसलै के श्रीनगर च मनफी 3.4 डिग्री सैल्सियस तापमान कन्नै फ दी परत जमी गई ऐ।

<><><><><><>